

玉函山房輯佚書

目耕帖卷十四

歷城馬國翰竹吾甫

詩二

後漢書地理志河內本殷之舊都周既滅殷分其畿  
內爲三國詩風邶庸衛是也邶以封紂子武庚庸  
管叔尹之衛蔡叔尹之以監殷民謂之三監故書  
序曰武王崩三監畔周公誅之盡其地封弟康叔  
號曰孟侯以來輔周室遷邶庸衛之民於雒邑故  
邶庸衛三國之詩相與同風鄘作庸邶或作鄘與

毛詩異正義邶鄘衛者土地既廣詩文早作故以爲變風之首張子橫渠詩說詩固有次敘不可一例惟二南之後次衛衛後王此有意者非以衛分之則王無異於正風也翰案詩首二南尊文王也次邶鄘衛三國同風存商俗也故王風在其後

列女傳寡姜夫人者

世行本列女傳作宣姜夫人太平御覽引作寡姜

齊侯

之女也嫁於衛至城門而衛君死保母曰可以還矣女不聽遂入持三年之喪畢弟立請曰衛小國也不容二庖請願同庖終不聽衛君使人怒於齊

兄弟齊兄弟皆欲與君使人告女女終不聽乃作詩曰我心非石不可轉也我心非席不可卷也厄窮而不閤勞辱而不苟然後能自致也言不失也然後可以濟難矣詩曰威儀棣棣不可選也言其左右無賢臣皆順君之意也君子美其貞故舉而列之於詩也此本魯詩說小序柏舟言仁而不遇也衛頃公之時仁人不遇小人在側第言仁人亦未明指爲誰氏朱子集傳婦人不得於其夫故以柏舟自比用列女傳說而少易之荀子宥坐篇引

目耕帖

卷四

詩憂心悄悄愠于羣小云小人成羣斯足憂矣劉  
向說苑節士篇引我心匪石四句言不失已也能  
不失已然後可與濟難矣此士君子之所以越衆  
也又劉向傳上封事亦引我心匪石言守善篤也  
此皆推廣詩蘊非原其初作之義也

文選陸士衡歎逝賦注阮嗣宗詠懷詩注嵇叔夜養  
生論注並引韓詩耿耿不寐如有殷憂與毛詩隱  
憂訓痛者異

禮記孔子閒居左傳襄三十一年並引詩威儀逮逮

古逮棣聲同何彼襪矣唐棣字林大內反可證要  
亦是三家經本異字也

賈誼新書容經篇夫有威而可畏謂之威有儀而可  
象謂之文富不可爲量多不可爲數故詩曰威儀  
棣棣不可選也棣棣富也不可選衆也言接君臣  
上下父子兄弟內外大小品事之各有容志也說  
義在詩始萌芽之時依據最古

觀閔既多釋文出選字云本作遴或作覲今注疏本  
正作覲似非唐初舊本王逸楚辭章句顏師古漢

書敘傳注皆引作覲蔡邕朱公叔墳前石碑遭難  
受辱用此詩則作遘矣集韻去聲五十候莫候切  
侮傷也詩受侮不少徐邈讀今所不用

說文解字昭明也引詩昭辟有標與毛詩作寤字不  
同

集韻平聲上九魚循月行也詩日居月徯通作諸然  
則徯是詩本字也

胡迭而微釋文迭待結反韓詩作載音同云載常也  
盧文弨考證載當作戔

綠兮衣兮綠衣黃裏毛傳綠間色黃正色綠作如字  
訓鄭箋綠當爲綠故作綠轉作綠字之誤也又云  
鞠衣黃展衣白祿衣黑皆以素紗爲裏今祿衣反  
以黃爲裏非其制也故以喻妾上僭康成先從張  
恭祖受韓詩後箋云詩桐故作祿蓋依韓詩故爲  
說然終不若綠作間色解與黃正針鋒直對習無  
名氏休洗紅第二首云休洗紅洗多紅在水新紅  
裁作衣舊紅番作裏迴黃轉綠無定期世事反復  
君所知正葩經好注脚也



燕燕小序衛莊姜送歸妾也禮記坊記引詩曰先君  
之思以畜寡人鄭注此衛夫人定姜之詩也定姜  
無子立庶子衎是爲獻公畜孝也獻公無禮於定  
姜定姜作詩言獻公當思先君定公以孝於寡人  
釋文畜毛詩作勗定姜之詩此是魯詩正義獻公  
無禮於定姜者按襄十四年左傳云衛獻公出奔  
使告宗廟以無罪夫人定姜曰余以巾櫛事先君  
而暴妾使余若何無罪是無禮之事與詩注不同  
者按鄭志答吳模云注記時執就盧君後得毛詩

乃改之而列女傳載此詩又謂定姜送婦作與鄭氏禮注所引復異傳云衛定姜者衛定公之夫人公子之母也公子既娶而死其婦無子畢三年之喪定姜歸其婦自送之至于野恩愛哀思悲心慟慟立而望之揮泣垂涕乃賦詩曰燕燕于飛差池其羽之子于歸遠送于野瞻望弗及泣涕如雨送去歸泣而望之又作詩曰先君之思以勗寡人君子謂定姜爲慈姑過而之厚今就兩說而通之蓋詩爲送婦而作而婦之不能留於衛者以獻公之

無禮也故詩辭悲切末賦先君之思以畜寡人者  
責獻公也孝經緯鉤命訣天子行孝曰就諸侯行  
孝曰度卿大夫行孝曰舉士行孝曰究庶人行孝  
曰畜以畜養爲義不曰度而曰畜隱見獻公之無  
禮言婉而多風矣又李黃集解引韓詩衛定姜歸  
其娣送之而作范處義詩補傳亦引韓詩定姜歸  
其婦與魯詩同李燾黃樞引作娣者婦字之誤也  
報我不述釋文述本亦作術文選劉孝標廣絕交論  
注引韓詩正作報我不術薛君曰術法也據序此

詩莊義傷已也遭州吁之難傷已不見答於先君  
深責州吁衝較述字義深

終風序莊義傷已也遭州吁之暴見侮慢不能正也  
終風且暴顧我則笑寫狼子野心如繪施於莊公  
恐非解釋文引韓詩終風西風也浪起也說文解  
字灤疾雨也一曰沫也一曰暴實也引詩終風且  
灤又文選陸士衡爲顧彥先贈婦詩隆思亂心曲  
李善注引薛君韓詩章句時風又且暴使已思益  
隆隆思二字亦甚新警

願言則噓毛傳噓貽也正義引王肅云願以母道往  
加則噓却而不行貽與却音義同也鄭箋噓讀當  
爲不敢噓咳之噓我其憂悼而不能寐汝思我心  
如是我則噓也今俗人噓云人道我此古之遺語  
也案毛王所說仍是莫往莫來意鄭如字解義爲  
博通漢書藝文志雜占十八家有噓耳鳴雜占十  
六卷梁七錄有噓書耳鳴書日暍書各一卷宋陳  
晦輯百怪斷經有占噓噴法則俗驗之流傳遠矣  
又案釋文山莊字云本又作噓又作噓是六朝舊

本皆然釋元應一切經音義卷十六引詩願言則  
寔用舊本也今注疏本從鄭作噍說文亦同

說文解字鎗鐘鼓之聲引詩擊鼓其鎗又鼙鼓聲也  
引詩擊鼓其鼙鎗依毛詩鼙用三家經存吳文也  
春秋隱四年經書宋公陳侯蔡人衛人伐鄭傳止敘  
州吁爲兵主不言何人將兵擊鼓詩云從孫子仲  
平陳與宋序衛州吁用兵暴亂使公孫文仲將而  
平陳與宋國人怨其勇而無禮也則序本國史而  
成信也鄭樵乃欲盡廢序說不亦僨乎

歐陽修詩本義引王肅云自爰居而下三章衛人從  
軍者與其室家訣別之辭案集傳止以後二章爲  
從役者念其室家

于嗟閼兮釋文閼韓詩云約束也案文選劉越石答  
盧湛詩李善注引韓詩薛君章句曰括約束也是  
毛詩作閼韓詩作括也于嗟洵兮釋文洵韓詩作  
負呂氏春秋盡數篇高誘注引正作負云遠也

龍萬育詩經詁要唐人詩醉卧沙場君莫笑古來征  
戰幾人回是不我活意可憐無定河邊骨猶是春

聞夢裏人是不我信意

王柏詩辨說凱風一篇婉而不迫微而不露事父母  
能幾諫者也翰案七子盡孝道以慰母心母終不  
嫁七子又實能幹母之憂矣

酈道元水經注睢水又東逕浚城南而北去濮陽三  
十五里城側有寒泉岡卽詩所謂爰有寒泉在浚  
之下世謂之高平渠非也

睨眈黃鳥毛傳睨眈好貌朱子集傳其聲清和圓轉  
也周櫟園書影何義門讀書記并云楊用修謂睨



皖色也非聲也下句載好其音以爲重複訓之爲  
色古注可憑也嚴氏詩緝謂覲皖指毛羽之鮮潔  
而說詩者又謂目之流盼也按二字俱從目此解  
較長翰案太平御覽卷九百三十三引韓詩作簡  
斤黃鳥載好其音簡斤二字甚新異

雄雉序不恤國事釋文本亦作卹段氏玉裁云說文  
引書無恤于卹李善注藉田賦引書惟刑之卹哉  
今衛包皆改作恤說文血部卹憂也心部恤憂也  
雖二字音義皆同然古書不容徑改盧文弨釋文

攷證據段氏說知古本毛詩亦本作卹故魏石經  
尙書大誥篇卹字有古文篆文隸字三體皆從卪  
而不從心漢街彈碑優卹民隱張納功德敘卹澹  
凍餒亦皆從卪疑說文心部恤字是後人所增案  
說文於音義相同及經文異字每兩收之亦未必  
是後人所增也

荀子宥坐篇引詩云瞻彼日月悠悠我思道之云遠  
曷云能來予曰伊稽首不其有來乎述義甚古文  
選傳長虞贈何劭王濟詩注引薛君韓詩章句曰

云詞也似說雄雉詩二云字義

韓詩外傳引傳曰天地有合

說苑引作夫天地有德合

則生氣有

精矣陰陽消息則變化有時矣時得則治時失則

亂

說苑作時得而治矣時得而化時失而亂矣

故人生而不具者五目

無

說苑作不見

不能食不能行不能言不能施化故三

月微昀

說苑作達眼

而後能見七月而生齒而後能食

期年體就

說苑作生臍

而後能行三年腦

說苑作顙

合而後

能言十六精通而後能施化陰陽相反

說苑作陰窮反陽陽

變反陰下

有故字 陰以陽變陽以陰變故男八月而生齒

八歲齒齠

說苑作毀

齒十六而精化小通女七月而生

齒七歲而齔

說苑作毀

齒十四而精化小通是故陽以

陰變陰以陽變故

說苑無此十一字

不肖者精化始具

作始而生氣感動觸情縱欲反施亂化是以年壽

亟天而性不長也

說苑無此句

詩曰乃如之人兮

說苑無今

字懷婚姻也大無信也不知命也賢者不然精氣

聞溢

說苑作填盈

而後傷時不可過也

說苑作傷時之不遇也

見道端乃陳情欲以歌道義

說苑無道義二字

詩曰靜女

其姝俟我于城隅愛而不見搔首踟躕瞻彼日月

悠悠

說苑作遙遙

我思道之云遠曷云能來急時

說苑

有之

辭也是故稱之日月也

說苑作故

劉向說苑

辨物篇亦載此文語句小異案韓嬰引傳當是魯

詩傳也說義精微似大戴禮記易本命其引詩乃

如之人兮說苑無兮字悠悠我思說苑作遙遙意

魯傳本無兮字本作遙遙韓就所傳經本易之否

則魯韓本同後人妄加兮字遙遙順毛改爲悠悠

考文選張平子思元賦李善注引韓詩曰愛而不

見搔首躊躇薛君曰躊躇躑躅也嵇叔夜琴賦注

左太冲招隱詩注何敬祖贈張華詩注引韓詩並  
同而禰正平鸚鵡賦注引韓詩搔首踟躕薛君曰  
踟躕踟躕也與諸引不同則李善亦有順毛而誤  
者此傳引詩亦作搔首踟躕以是準遙遙我思後  
人改易居多耳

戴氏毛鄭詩考正雄雉四章百爾君子不知德行按  
上言展矣君子既婦人謂夫之稱此君子不當如  
箋說爲衆君子蓋百爾君子謂凡所爲之在君子  
也道遠不來今旣不知君子之德行矣然念其平

日之不忒不求有素履可信如是則亦焉往不善乎又美之以自慰也翰案鄭箋訓不忒不求爲不疾害不求備於一人求作讀字解亦不如朱子集傳訓不貪求與夫子引詩美子路義合

深則厲淺則揭毛傳以衣涉水爲厲謂由帶以上也揭褰裳也正義引釋水云揭者褰衣也以衣涉水爲厲由膝以上爲涉由帶以上爲厲孫炎曰揭衣褰裳也衣涉濡褌也案毛傳用爾雅成文而孫氏濡褌之說不近情蓋涉水者惟恐濡溼衣裳故

相度深淺以渡爾淺者褰裳可渡若水深至帶以  
上不惟濡褌亦且濡衣自當有所踐履而渡以衣  
猶言勿須褰裳也說文厲作礪云履石渡水也引  
詩深則礪有狐篇在彼淇厲亦謂有履石之處也  
毛詩於彼解云厲深可厲之旁語亦混酈道元水  
經注河水二段國沙州記吐谷渾於河上作橋謂  
之河厲長一百五十步兩岸累石作基陁節節相  
次大木縱橫更鎖壓兩邊橋以礪石爲主故名厲  
也此可爲厲字之確證釋文引韓詩云至心曰厲



與爾雅由帶以上同義只解得深字一層所以處此深者未之言及也

旭日始且釋文旭許玉反說文讀若好字字林呼老反盧氏攷證案字林之音與說文讀若同琯從力冒聲知亦讀若好也爾雅釋訓旭旭躋躋憍也釋文旭旭郭呼老反邢疏曰郭讀旭旭爲好好小雅巷伯云驕人好好翰案臧氏拜經日記謂爾雅是魯詩之學然則巷伯之驕人好好魯作旭旭也招招舟子釋文王逸云以手曰招以言曰召韓詩招

招聲也案招字從手叔師說是也

周世樟云雄雉之婦人勉君子以德行谷風之婦人  
佐君子以成家鄭風雞鳴望君子以親賢齊風雞  
鳴助其君以勸政皆賢婦人也翰案風歌婉諭寄  
興無端雄雉古之君子行也谷風古之棄婦詞也  
勉同心釋文黽本亦作勉案白居易六帖卷十七  
引詩勉勉同心與釋文合文選傳季友爲宋公求  
加贈劉前軍表注引韓詩作密勿同心不宜有怒  
密勿勉俛也漢書劉向傳引詩密勿從事蔡邕濟

目耕帖

卷十四

三才女不才

北相崔夫人誅密勿不忘用詩字亦作密勿則魯  
詩與韓詩同周興嗣千字文俊又密勿亦韓魯詩  
也孫奕示兒編鼃蛙屬蛙鼃之行勉強自力故曰  
鼃勉極似王安石字說

禮記坊記故君子仕則不稼田則不漁食時不力珍  
大夫不坐羊士不坐犬詩云采葑采菲無以下體  
德音莫違及爾同死鄭注下體謂其根也采葑菲  
之菜者采其葉而食無以根美則并取之苦則棄  
之并取之是盡利也此詩故親今疏者言人之交

當如采葑采菲取一善而已君子不求備於一人  
能如此則德美之音不離令民我願與女同死矣  
案鄭解不盡利是記引詩本義後別解詩謂交友  
相與節取其善注禮時未見毛詩本之韓魯也不  
盡利而節取義實相贊詩禮固兩通也左傳僖三  
十三年山季引詩曰采葑采菲無以下體君取節  
焉可也則純用節取其善意

中心有違毛傳違離也鄭箋其心徘徊然釋文引韓  
詩違很也案有違卽上章莫違之違言本期德音

莫違及爾同死而今使我行遲遲而去不覺中心  
有違也訓離最當訓很近之徘徊然仍在上句遲  
遲夾裏

呂氏春秋本生篇出則以車入則以輦務以自佚命  
之曰招歷之機高誘注招至也歷機門內之位也  
引詩云不遠伊迺薄送我畿此不過歷之謂案以  
機括之機爲畿嫌於附會而說詩義亦非白虎通  
嫁娶篇引詩薄送我畿以爲出婦之義必送之接  
以賓客之禮君子絕愈於小人之交可想見古道

之忠厚

顏氏家訓書證篇詩云誰謂荼苦爾雅毛傳並以荼  
苦菜也又禮記云苦菜秀案易統通卦驗元圖曰  
苦菜生於寒秋更冬歷春得夏乃成今中原苦菜  
則如此也一名游冬葉似苦苣而細摘斷有白汁  
花黃似菊江南別有苦菜葉似酸漿其花或紫或  
白子大如珠熟時或赤或黑此菜可以釋勞案郭  
璞注爾雅此乃識黃蔞也今河北謂之龍葵梁世  
講禮者以此當苦菜既無宿根至春方生耳亦大

誤也又高誘注呂氏春秋曰榮而不實曰英苦菜  
當言英益知非龍葵也顏師古匡謬正俗苦菜本  
草云苦菜味苦名荼草一名游東生益州川谷及  
山陵旁陵冬不凋死陶宏景注疑此卽今茗茗一  
名茶又令人不眠今陵冬不凋而嫌其止生益州  
益州乃有苦蕒耳桐君藥錄云苦菜三月生扶疎  
六月華從葉出實落根後生冬不枯今茗極似此  
案此苦菜卽詩人所稱誰謂荼苦荼音塗其狀全  
似苦蕒而細葉斷有白汁味極苦陵冬不凋桐君

所說正得體狀也近來諸人無識之者今吳蜀之俗謂苦菜者卽爾雅所謂葍黃蔕爾雖陶公知俗呼苦葍爲苦菜而不識其苦菜之形以其一名茶乃將作茗巧說滋蔓祇增煩惑且本草說其主療疾病功力甚多茗草豈有此效乎

涇以渭濁毛傳涇濁相入而清濁異鄭箋涇水以有渭故見爲濁正義此婦人以涇比己箋將述婦人之心故先述涇水之意涇水言以有渭故人見謂己濁猶婦人言以有新昏故君子見謂己惡也此



發明毛義也箋又謂絕去所經見因取以自喻張  
逸問何言絕去答曰渭在東河涇在西河故知絕  
去不復還意此又進一層輔翼毛傳後漢書岑陞  
陳翔等傳贊渭以涇濁玉以礫貞章懷太子注言  
渭以涇濁乃顯其清詩用曲喻贊用直美故不同  
也

無發我笱釋文引韓詩云發亂也案發與廢古字通  
用依韓說當是以廢爲義

禮記表記引國風曰我今不聞皇恤我後終身之仁

也孔子問居凡民有喪制匍救之無服之喪也雖是斷章取義而一以見樂善之不倦一以見所惡之同民谷風之詩人抱負實不凡也

匍匍救之禮記檀弓下家語論禮皆引作扶服救之大雅生民篇釋文匍本作扶匍本亦作服蓋古文作匍匍正字今文作扶服假借字也

不我能惱毛傳惱養也鄭箋惱驕也說文解字惱起也引詩作能不我惱文義並與毛鄭異

說文解字口部售賣去手也引詩賈用不售太平御

覽卷八百三十五引韓詩曰既詐我德賈用不售  
一錢之物舉賣百何時當售也畜作詐訓義與毛  
鄭大異

有洸有潰釋文韓詩云潰潰不善之貌案潰潰重文  
疑韓詩本作有洸潰潰也

式微序黎侯寓於衛其臣勸以歸也中露泥中毛傳  
皆訓衛邑也列女傳作中路又以此詩爲黎夫人  
及傅母二人作傳云黎莊夫人者衛侯之女黎莊  
公之夫人也既往面不同欲所務者異未嘗得見

甚不得意其傳閔夫人賢反不納憐其失意又恐其已見遣而不以時去謂夫人曰夫婦之道有義則合無義則去今不得意胡不去乎乃作詩曰式微式微胡不歸夫人曰微君之故胡爲乎中路終執貞壹不違婦道以俟君命君子故序之以編詩傳用魯詩故與毛詩異也

林若撫詩談式微篇微君之故胡爲乎中路微卽微管仲之微胡康侯謂以事求人而人不有其事然矣

目耕帖

卷十四

釋文旄邱字林作嵒云嵒邱也案顏氏家訓書證篇  
柏人城東北有一孤山古書無載者唯閩峒十三  
州志以爲舜納于大麓卽此山其土今猶有堯祠  
焉世俗或呼爲宣務山或呼爲虛無山莫知所出  
趙郡土族有李穆季節兄弟李普濟亦爲學問並  
不能定鄉邑此山余嘗爲趙郡佐共太原王劭讀  
柏人城西門內碑碑是漢桓帝時柏人縣民爲縣  
令徐整所立銘云上有嵒務山王喬所仙方知此  
嵒務山也嵒字遂無所出務字依諸字書卽旄邱

之施也施字字林一首亡付反今依附俗音當音  
權務耳入鄴爲魏收說之收大嘉歎值其爲趙州  
莊嚴寺碑銘曰權務之精卽用此也今以二書通  
之漢碑務是本字字林加山作嵇娶是謂施邱也  
韓詩外傳引傳曰水濁則魚喁說苑作喁令苛則民亂城  
峭則崩岸削則陂說苑作城峭則必故吳起峭刑  
而車裂商鞅峻法而支解說苑無此二句治國者說苑作  
國無譬若乎張琴然說苑無乎大絃急則小絃急  
者字說苑無急轡銜者非千里之御也有聲之聲  
故有曰字

說苑作樂

不過百里無聲之聲近及四海故祿過

其功者削

說苑作損

名過其實者捐

說苑作制

情行合名

說苑

作情行而民副

禍福不虛至矣詩云何其處也必有與也

何其久也必有以也故惟其無能爲長生久視而無累於物矣說苑政理篇亦引此節至必有以也又修文篇亦引何其處也四語云惟有以者爲能長生久視而累於心也案此亦魯詩傳而韓嬰引之

韓詩外傳又引傳曰衣服容貌者所以說目也應對

言語者所以說耳也好惡去就者所以說心也故君子衣服中容貌得則民之目說矣言語遜應對給則民之耳說矣就仁去不仁則民之心說矣三者存乎身雖不在位謂之素形故中心存善而日新之則獨居而樂德充而形下引詩何其處也四句案與上同是引魯詩傳古人說詩觸類引伸頭頭是道故董子曰詩無達詁也

瑣兮尾兮流離之子毛傳瑣尾少好之貌流離鳥也少好長醜始而愉樂終以微弱鄭箋衛之諸臣初



目耕帖

卷古

有小善終無成功似流離也正義釋訓云瑣瑣小也釋鳥云少美長醜爲鷓鴣陸機云流離梟也自關西謂梟爲流離其于適長大還食其母故張奐云鷓鴣食母許慎云梟不孝鳥是也流與鷓蓋古今之字爾雅離或作栗朱子集傳訓瑣細尾末也流離漂散也案漢書郊祀歌闕流離注流離不得其所者此集傳之所本又案漢書西域志罽賓出壁流離注師古曰魏略云大秦國出亦白黑黃青綠縹紺紅紫十種流離然則琉璃亦有作流離者

矣

簡兮魯詩作東兮高潛人天祿識餘引申公曰東伶  
官名恥亂邦故自呼而歎曰東兮東兮汝乃白晝  
而舞於此頗肖詩之神吻

碩人侯侯釋文引韓詩作扈扈云美貌案爾雅釋山  
卑而大扈郭璞注扈是廣貌禮記檀弓爾勿扈扈  
爾鄭注扈扈大廣貌扈扈訓美當是廣大之美也  
楚詞九章王逸章句引詩執轡如組云織組者動之  
於此而成文於彼善御者亦動於手而盡馬力也

此與淮南子繆稱訓動於近成文於遠引此詩義  
合案孔子家語好生篇鄒詩曰執轡如組兩驂如  
儻孔子曰爲此詩者其知政乎夫爲組總緒於此  
成文於彼言其動於近行於遠也執此法以御民  
豈不化乎竿旄之告忠至矣哉漢人說此詩之義  
皆本家語舞作儻干旄作竿旄與毛詩異

劉芳毛詩箋音證轡是御者所執者也不得以轡爲  
勒且舊語云馬勒不言轡以勒爲轡者蓋是北人  
避石勒名也今南人皆云馬勒而以鞍爲轡反覆

推之此爲明證又詩稱執轡如組又曰六轡在手以所執爲轡審矣今俗儒仍以轡爲勒而曾無寤者案劉芳北魏人當時誤稱如此今則各有區分矣

悲彼泉水釋文悲韓詩作祕說文作𦣻案今說文引詩作泌彼泉水陸氏引作𦣻悲是傳寫之誤韓詩作祕頗難解意其溯泉源之始謂隱隱而出乎

儀禮士虞禮鄭注引詩出縮于沛飲餞于禰釋文出鄭注作濟禰劉本作泥案縮與宿義迥別今卽以

儀禮通之士虞禮有入設几東席上束縮降洗又  
賓長以肝從實于俎縮有鹽鄭注皆訓縮進也此  
亦當作進字解謂出而進于濟也詩釋文于禰引  
韓詩作坭劉本鄭注作泥卽坭字之異文也文選  
謝靈運九日從宋公戲馬臺集送孔令詩注又顏  
延年三月三日曲水詩序注並引薛君韓詩章句  
曰送行飲酒曰餞當是說飲餞義此其逸句也

白虎通三綱六紀篇父之昆弟不俱謂之世叔父之  
女昆弟俱謂之姑何也以爲諸父曰內親也故別

稱之也姑當外適人疏故總言之也至姊妹亦當  
外適人所以別諸姊妹何以爲事諸姑禮等可以  
外出又同故稱略也至姊妹雖欲有略之姊尊妹  
卑其禮異也詩云問我諸姑遂及伯姊謂之舅姑  
何舅者舊也姑者故也舊故者老人之稱也謂之  
姊妹何姊者恣也妹者未也漢人說經多能得古  
之禮意

出宿于干飲餞于言毛傳干言所適國郊也不指何  
地案樂史太平寰宇記河道入邢州堯山縣其地

本名柏人有干言山在縣西五里李公緒趙記云  
柏仁有干言山衛詩云出宿于干飲餞于言是此  
山也王應麟詩地理考據以爲衛女嫁邢地志信  
有益於經哉

龍萬育詩經詁要說北門之詩云貧者無財以自給  
而俯仰之計窮窶者無財以爲禮而交際之情缺  
盡人而求曰交每事而責曰徧說義最有分曉

王事敦我釋文引韓詩云敦迫與毛訓厚鄭訓投擲  
不同室人交徧摧我釋文引韓詩作謹于佳子佳

二反就也集韻視佳切謹就也引韓詩室人交徧  
謹我與陸氏二反小異又說文解字徧相擣也引  
詩室人交徧謹我皆與毛作擣訓沮異

其虛其邪鄭箋邪讀如徐正義引釋詁云其虛其徐  
威儀容止也孫炎曰虛徐威儀謙退也鄭箋讀本  
爾雅朱子從之

列女傳引詩北風其嘒雨雪霏霏惠而好我攜手同  
歸集韻平聲上八微霏霏芳微切霏也引詩雨雪  
霏霏或從飛其霏作霏霏與毛詩經本異



文選張平子思元賦注又宋玉神女賦注曹子建洛神賦注並引韓詩曰靜貞也當是靜女之注

說文解字祿好佳也引詩靜女其祿又優仿佛也引詩優而不見皆與毛詩字異

貽我彤管毛傳古者后夫人必有女史彤管之灋史不記過其罪殺之后如羣妾以禮御於君所女史書其日月授之以環以進退之生子月辰則以金環退之常御者以銀環進之著於左手旣御著於右手事無大小記以成灋案此是周公逸禮毛公

及見而引之又周禮天官九嬪掌婦學之法以教  
九御鄭元注自九嬪以下九九而御於王凡羣妃  
御見之滙月與后如其象也卑者宜先尊者宜後  
女御八十一人當九夕世婦二十七人當三夕九  
嬪九人當一夕三夫人當一夕后當一夕六十五  
日而徧此亦古彤管之滙類識於此

說懌女美釋文說本又作悅案白帖引詩作悅

新臺釋文馬云脩舊曰新世傳子貢詩傳作親臺豐  
坊所傳偽魯詩作親臺蓋以宣公納伋妻事而傳

會之也

說文解字玼玉色鮮也引詩新臺有玼與毛詩作泚異

新臺有酒釋文洒七罪反高峻也韓詩作濯音同云  
鮮貌河水洿洿釋文引韓詩作泥泥盛貌遼條不  
殄鄭改作腆皆與毛異文選張平子西京賦李善  
汪引韓詩嫵婉之求嫵於見切婉於萬切又劉越  
石答盧諶詩注引毛詩亦作嫵婉則毛別本亦同  
韓燕或作讌也

蓮條不鮮毛傳蓮條不能俯者鄭箋蓮條口柔常觀  
人顏色而爲之辭故不能俯也得此戚施傳戚施  
不能仰者箋戚施面柔下人以色故不能仰也案  
國語晉語四蓮條不可使俛戚施不可使仰此毛  
之所本也爾雅釋訓蓮條口柔戚施面柔李巡注  
蓮條巧言好辭以口饒人是謂口柔戚施和顏悅  
色以誘人是謂面柔此鄭之所本也案國語胥臣  
對文公蓮條戚施與僂僂侏儒瞽瞍瘖聵僂  
昏並舉故韋昭注蓮條偃人戚施偃人揚雄方言

簞或謂之籩籩其麗者謂之籩條蓋粗竹皮之用  
以爲困者偃人不能仰其疾似之故以爲名說文  
解字籩字下引詩得此籩籩七宿切籩式支切  
又名籩籩說文併籩與籩爲一字於籩字下云无  
籩籩諸也其鳴籩諸其皮籩籩其行无无於籩字  
下籩籩籩如也言其行籩籩爾雅釋魚籩籩籩諸  
古字通用戚施故范處義解頤新語引韓詩得此  
籩籩太平御覽引薛君章句作戚施云蟾蜍就喻  
醜惡以其皮戚戚其行施施使人不能俯其疾似

之故以爲名鄭氏以爾雅口柔面柔爾通之毛言其形鄭明其義也

劉向新序節士篇衛宣公之子伋也壽也朔也伋前母之子也壽與朔後母之子也壽之母與朔謀欲殺太子而立壽也使人乘舟於河中將沈而殺之壽知不能止也因與同舟舟人不得殺伋方乘舟時伋傳母恐其死也而作二子乘舟之詩是也說與毛鄭異謂詩作於伋之傳母或有所據焉

陸佃埤雅釋木詩曰汎彼柏舟在彼中河言楫非不

可以爲舟時非柏之所宜故共姜守義引以自況也共姜守義所以自誓如此則欲奪而嫁之者特牽於天性之愛而已故曰母也天只不諒人只傳云天謂父也蓋毛讀序者所謂父母欲奪而嫁之之誤也且女子從母而已故稱母焉何必言父然後如序案奪嫁之議或自其母倡之故共姜止怨其母天與人對朱子集傳亦以如天罔極爲說史記衛世家謂武公和篡共伯而立列女傳亦謂武公殺兄而欲欺其嫂夫以武公廢聖之德大惡與

文王並取爲王善之準觀其耄年篤學箴儆於國  
焉有此事傳聞異辭而史遷劉向沿其訛謬耳今  
以鄘柏舟之詩折之序云衛世子共伯蚤死其妻  
共姜守義父母欲奪而嫁之誓而弗許故作是詩  
以絕之稱世子明其父尙在也曰蚤死則猶在殤  
列可知詩詠髮彼兩髦傳云髦者垂至髮子事父  
母之儀此父在而天亡之明證正義依世家共伯  
之死時釐侯已葬八釐侯羨自殺則未成君故繫  
之父在之辭又謂言早死者謂早死不得爲君不



必年幼也此則傳合史記而與詩序經文皆不合  
又依世家武公立五十五年引楚語武公年九十  
有五猶箴儆於國謂武公卽位四十一二以上共  
伯是其兄則又長矣其妻蓋少猶可以嫁此又自  
相矛盾考竹書紀年宣王十五年衛釐侯薨平王  
十三年衛武公薨五十五年之數符矣據國語約  
武公卽位在四十一二亦近之其兄旣長於武公  
如死於釐侯薨之歲亦當在四十五六以上其妻  
年應相若何由而知其少謂之少者亦以詩稱鬯

彼兩髦是少婦口吻然獨不可卽詩詞稱髻髦而  
決共伯之少蕩乎假令武公有寡兄逼嫂之事詩  
中卽不指實亦當微諷乃詩直怨母氏逼嫁不能  
信已之終守而別無所讎懟則又安知非未嫁而  
夫死而必以老夫女妻以鍛鍊武公之罪案耶唯  
以經證史傳之謬服聖千秋之冤獄可以白矣  
說文解字髦髮至眉也引詩紕彼兩髦集韻平聲下  
六豪韻髦引同又云漢令有孥長或省

實維我特釋文特如字匹也韓詩作直云相當值也

案韓詩與魏風碩鼠爰得我直協

說文解字草部薺蒺藜也引詩牆有茨集韻平聲上  
六脂才資切薺引說文云云通作薺蒺

中薺之言毛傳中薺內薺也鄭箋內薺之謂宮中所  
薺成漢書梁平王傳晉灼引魯詩云中薺夜也釋  
文引韓詩云中薺中夜謂淫僻之言也韓魯義同  
顧野玉玉篇薺夜也引詩中薺之言中夜之言也  
亦用韓魯義當是二家本作薺也

不可詳也釋文詳如字韓詩作揚云揚道也案揚卽

道不如詳字義深不可讀也毛傳讀拙也顏師古  
匡謬正俗按許氏說文解字曰猶讀也從竹拙聲  
拙卽拙字是以猶或作拙蓋毛公以猶解讀傳寫  
字省故止爲拙此當言讀猶也不得爲拙引之義  
又以左氏傳其絲皆作籍

委委佗佗本釋文作他他引韓詩云德之美貌呂  
氏讀詩記引釋文亦作他他今本釋文與注疏本  
並作佗佗當是後人依別本改

玼兮玼兮釋文玼音此且禮反鮮盛貌說文云玉色

鮮也字林云鮮也音同玉篇且禮反云鮮明貌沈  
云毛及呂忱並作玼解王肅云顏色衣服鮮明貌  
本或作瑳此是後文瑳兮王肅注好美衣服潔白  
之貌若與此同不容重出今檢王肅本後不釋不  
如沈所言也然舊本皆前作玼後作瑳字

其之翟也毛傳禴翟闕翟羽飾衣也鄭箋侯伯夫人  
之服自禴翟而下如王后焉正義鄭注周禮三翟  
皆刻繒爲翟雉之形而彩畫之以爲飾不用眞羽  
孫毓云自古衣飾山龍華蟲藻火粉米及周禮六

服無言以羽飾衣者羽施於旌旂蓋則可施於衣  
裳則否蓋附人身動則卷舒非可以羽飾故也鄭  
義爲長翰案唐元宗時始有霓裳羽衣蓋近服妖  
說文解字參羽髮也引詩參髮如雲重文作𦏧案篇  
海別有𦏧字止忍切音軫白髮長也集韻別有𦏧  
字止忍切音軫說文本作夙新生羽飛也並與參  
字不同

揚且之皙也毛傳皙白皙今本並從日作皙案當從  
白作皙

目耕帖

卷十四

三如嬭作補校

其之展也蒙彼縹緇是紉袷也毛傳禮有展衣者以  
丹縠爲衣蒙覆也縹之靡者爲縹是當暑袷延之  
服也鄭箋云如六服之次展衣宜白縹緇之縹  
楚者展衣夏則裹衣縹緇此以禮見於君及賓客  
之盛服也展衣字誤禮記作禮衣正義此傳展用  
丹縠餘五服傳無其說丹縠亦不知所出而孫毓  
推之以爲褱衣赤褱褱青關翟黑褱衣黃展衣赤  
褱衣黑褱名與麤同又曰箋不同傳故云后如六  
服之次展衣宜白言宜者無明文周禮之注差之

以爲然也又云定本展衣夏則裘衣絢緇俗本多  
云冬衣展衣蓋誤也又解展衣所用云此以禮見  
於君及賓客之盛服玉藻云一命褫衣喪大記曰  
世婦以褫衣是禮記作褫衣也定本云禮記作褫  
無衣字司服注以展爲聲誤從褫爲正以衣服之  
字宜從衣故也宋龔崇義三禮圖冕服圖鄭必讀  
爲褫者以褫從衣而有衣義爾雅亶展雖同訓爲  
誠展者言之誠亶者行之誠貴行賤言褫字以亶  
爲聲有行誠之義故從褫也



說文褻私服引詩是褻褻也與毛詩繼褻傳訓褻延  
正義謂去熱之名者不同

邦之媛也釋文媛于眷反美女爲媛韓詩作媛云取  
也許氏煥云取乃助之譌

王嘉拾遺記敘少昊母皇娥事云帝子與皇娥並坐  
撫桐峯梓瑟望娥倚琴而清歌曰天清地曠浩茫  
茫萬象迴薄化無方治天蕩蕩望滄滄乘桴輕漾  
著日飭當其何所金窮桑心知和樂悅未央俗謂  
遊樂之處爲桑中也詩衛風云期我乎桑中蓋此

類也說極荒誕蓋好事者爲之也

美孟弋矣毛傳弋姓也正義當時列國姓庸弋者無  
又以言之政春秋定公十五年秋七月壬申姒氏  
卒穀梁作弋氏然則弋姓卽姒姓之別稱杞國夏  
後也謂牧誓有庸蜀羌髳微盧彭濮八國庸在江  
漢之南爲八國之首從王立功必受封賚亦周代  
顯姓也故與姜姓並稱貴族

鶉之奔奔鵲之疆疆鄭箋奔奔疆疆言其居有常匹  
飛則相隨刺宣姜與頑非匹偶釋文引韓詩云奔

目耕帖

卷十四

奔彊彊乘匹之貌鄭用韓義也禮記表記子曰唯  
天子受命於天士受命於君故君命順則臣有順  
命君命逆則臣有逆命詩曰鵲之姜姜鵲之黃黃  
人之無良我以爲君鄭注姜姜黃黃爭鬪惡貌也  
良善也言我以惡人爲君亦使我惡如大鳥姜姜  
於上小鳥黃黃於下此經引詩斷章故注亦斷章  
解之究亦不失相隨之義左傳襄二十八年伯有  
賦鵲之黃黃趙孟曰牀第之言不踰閭况在野乎  
非使人所得聞也正義伯有賦此詩者義取人之

無善行者我以此爲君是有嫌君之義案此說非  
是伯有卽甚侈肆有意自嫌其君斷無於大庭廣  
衆之中顯然指陳之理義亦以鵠喻楚以鵠喻晉  
謂晉不能與之爭長而以無良之人爲君爲兄也  
然詩本刺淫而歌詩又借以譏諷故趙孟舉本詩  
正義以斥責其失辭也呂氏春秋壹行篇高誘注  
引詩作鵠之賁賁與禮記左傳同高氏習韓詩則  
韓經亦作賁賁也

蔡邕月令問答引詩云定之方中作於楚宮于作於

文選左太冲魏都賦劉淵林注引詩定之方中作  
爲楚宮揆之以日作爲楚室于又作爲並與毛詩  
異

鄭志張逸問楚宮今何地答曰楚邱在濟河間疑在  
今東郡村預春秋地名徧地楚邱在濟陰成武縣  
西南有楚邱城漢晉時郡境不同故鄭疑東郡杜  
云濟陰也酈道元水經注濟水二河水分濟於定  
陶東北東南合黃汲枝流俗之界溝也北逕元氏  
縣故城西又北逕景山東衛詩所謂景山與京者

也毛公曰景山大山也又北逕楚邱城郡國志曰  
成武縣有楚邱亭杜預云楚邱在成武縣西南衛  
懿公爲狄所滅衛文公東從渡河野處漕邑齊桓  
公城楚邱以遷之故春秋稱邢遷如歸衛國忘亡  
卽詩所謂升彼墟矣以望楚矣望楚與堂景山與  
京故鄭元言觀其旁邑及山川也道里分明如畫  
引詩作墟與今本作虛異

說文解字櫪梔也賈侍中說櫪卽椅木可作琴然則  
櫪古文椅字也

卜云其吉毛傳建國必卜之故建邦能命龜田能施  
命作器能銘使能造命升高能賦師旅能誓山川  
能說喪紀能誅祭祀能語君子能此九者可謂有  
德音可以爲大夫正義本有成文連引之耳案易  
緯通卦驗言八能之士此亦其類當並出周之逸  
禮

星言夙駕釋文韓詩云星晴也案說文解字姓同晴  
雨而夜除星見也漢書天文志天曜而景星見曜  
卽姓也韓詩依此爲義姚氏雅惜抱軒詩說亦翻

星爲時以爲甫晴卽駕足以爲勤矣若見星而行  
乃罪人與奔喪者之事衛文固不得爲也

匪直也人秉心塞淵騷化三千毛傳非徒庸君鄭箋  
今文公滅而復興徙而能富馬三千雖非禮制國  
人美之戴氏考正舊說失其辭此章本指美文公  
盡心於人民美之不已而末及馬之衆多言非特  
於人其秉心如是也卽所以致國之富者其騷化  
已三千矣最得詩義

說文解字騷字馬七尺爲騷八尺爲龍引詩騷化騷



杜案許氏所引者爾雅釋畜文以爲詩者或三家經有作騷牝驪牡者否則三家說詩如此也

後漢書楊賜傳章懷太子注引韓詩序蜺蝥刺奔女也蜺蝥在東莫之敢指詩人言在東者邪色乘陽人君淫佚之徵臣子爲君父隱藏故言莫之敢指賜傳又引中孚經曰蜺之比無德以色親注易稽覽圖中孚經之文也比類也鄭元注曰蜺邪氣也陰無德以好色得親幸於陽也又北堂書鈔引劉楨毛詩義問夫婦失禮則虹氣勝有赤色在上者

陰乘陽氣也皆是與毛傳相發

白虎通諫諄篇妻得諫夫者夫婦榮辱共也詩曰相  
鼠有皮人而無禮人而無禮胡不遄死此妻諫夫  
之詩也案班固漢書敘傳述其家學云伯少受詩  
於師丹固父處爲伯弟穉之子固其從孫也地理  
志亟引齊詩知班氏世傳齊學也白虎通亦孟堅  
所撰集中引韓詩內傳魯訓並顯標之其止引詩  
者愚以爲皆齊義也

相鼠有皮毛傳相視也孫奕示兒編別創一解云相

地名陸璣云河東有大鼠能人立交前兩脚於頭上跳舞善鳴按相州與河東相鄰說頗新異

人而無止釋文韓詩云止節無禮節也與毛止息義別

韓詩外傳引哀公問孔子曰有智壽乎孔子曰然人有三死而非命也者自取之也居處不理飲食不節勞過者病共殺之居下而好干上嗜欲無厭不止者刑共殺之少以敵眾弱以侮強忿不量力者兵共殺之故有三死而非命者自取之也詩云人

而無儀不死何爲又引詩傳曰在天者莫明乎日月在地者莫明乎水火在人者莫明乎禮義日月不高則所照不遠水火不積則光炎不博禮義不加乎國家則功名不白故人之命在天國之命在禮君人者降禮尊賢而王重法愛民而霸好利多詐而危權謀傾覆而亡詩曰人而無禮胡不遄死又引傳曰不仁之至忽其親不忠之至倍其君不信之至欺其友此三者聖王之所殺而不赦也詩云人而無儀不死何爲此皆引古說以發詩義

精理名言宋儒語錄之先聲也

列女傳宣姜者齊侯之女衛宣公之夫人也初宣公夫人夷姜生伋子以爲太子又娶於齊曰宣姜生壽及朔夷姜旣死宣姜欲立壽乃與壽弟朔謀構伋子公使伋子之齊宣姜乃陰使力士待之界上而殺曰有四馬白旌者至者必要而殺之壽聞之以告太子曰太子其避之伋子曰不可夫棄父之命則惡用子也壽度太子必行乃與太子飲奪之旂而行盜殺之伋子醒求旂不得遽往追之壽已

死矣。伋子痛壽爲己死，乃謂盜曰：「所欲殺者乃我也。此何罪？」請殺我。二子旣死，朔遂立爲太子。棲霞郝蘭皋懿行宜人福山王照圖作列女傳補注案詩曰：「子子千旄，在浚之郊。素絲紕之良馬，四之彼姝者子。」何以畀之？今以傳推之，疑卽爲此事而作也。必用白旄者，取易以識別也。以詩言素絲，故知爲白旄也。浚衛之界，上邑姜使力士待伋之地也。姝，忠順貌。姝子謂伋子也。畀與也。言彼四馬白旄忠順之子，何故以此畀之？深痛惜之辭也。又云此

蓋出於魯詩之說而劉氏述之與毛詩異也其敘  
夷姜與左傳又異蓋皆出之魯詩耳要遮也史記  
曰令盜遮界上殺之與太子白旄而告界盜見特  
白旄者殺之義與此合

正義引王肅云古者一轅之車駕三馬則五轡其大  
夫皆一轅車夏后氏駕兩謂之麗殷人益一駟謂  
之駟周人又益一駟謂之駟本從一駟而來亦謂  
之駟經言駟則三馬之名又孔晁云作者歷言三  
王之法此似述傳非毛旨也何則馬以引重左右

當均一轅車以兩馬爲服傍以一馬騂之則偏而不調非人情也又歷引諸說以爲自古無駕三之制案彼所引有禮王度記云天子駕六諸侯與卿同駕四大夫駕三士駕二庶人駕一此卽三馬之據乃以爲經傳無所言毛傳固云騂馬五轡兩服兩騂謂之四馬加一騂爲五馬兩騂加一騂卽三馬此卽經傳之證晁以三馬偏而不調五馬亦偏何以調而可用今人駕車多用三馬有以一馬在轅前者如此則一轅車亦可準之兩馬加一則三



四馬加一則五後世五馬之制實由於此

素絲祝之毛傳祝織也鄭箋祝當爲屬屬著也案禮記樂記正義引五行鉤命訣云祝融樂爲祝續周禮春官大司樂疏引孝經緯祝融之樂曰屬讀知祝屬二字古通用也

列女傳許穆夫人者衛懿公之女許穆公之夫人初許求之齊亦求之懿公將與許女因其傅母而言曰古者諸侯之有女子也所以苞苴玩弄繫援於大國也言今者許小而遠齊大而近若今之世強

者爲雄如使邊境有寇戎之事維是四方之故赴  
告大國妾在不猶愈乎今舍近而就遠離大而附  
小一旦有車馳之難孰可與慮社稷衛侯不聽而  
嫁之於許其後翟人攻衛大破之而許不能救衛  
侯遂奔走涉河而南至楚邱齊桓往而存之遂城  
楚邱以居衛侯於是悔不用其言當敗之時許夫  
人馳驅而弔唁衛侯因疾之而作詩曰載馳載驅  
歸唁衛侯云云君子善其慈惠而遠識也以載馳  
爲許穆夫人作與毛詩左傳並協其敘齊求婚女

因傳母言之事左傳不載而以本詩控于大邦誰  
因誰極玩之實非無據若衛女者識實出於鄭忽  
上矣

韓詩外傳高子問於孟子曰夫嫁娶者非已所自親  
也衛女何以得編於詩也孟子曰有衛女之志則  
可無衛女之志則意若伊尹於太甲有伊尹之志  
則可無伊尹之志則篡也夫道二常之謂經變之  
謂權懷其常道而挾其變權乃得爲賢夫衛女行  
中孝慮中聖權如之何詩曰旣不我嘉不能旋反

視我不臧我思不遠此所引乃孟子外書佚文說  
與列女傳相表裏

大夫跋涉毛傳草行爲跋水行爲涉作二事言釋文  
引韓詩云不由蹊遂而涉作一事言

文選盧子諒贈劉琨詩注引薛君韓詩章句曰尤非  
也當是許人尤之注

水經注淇水又東注淇水爲肥泉也故衛詩曰我思  
肥泉茲之永歎毛注云同出異歸爲肥泉爾雅曰  
歸異出同曰肥釋名曰本同出皆所浸潤少所歸

各枝散而多似肥者也犍爲舍人曰水異出流行  
合同曰肥今是水異出同歸矣博物志謂之淇水

詩云瞻彼淇澳采芣猗猗

今毛詩誤作與采作猗

毛云采王

芣也竹編草也

今本毛傳作篇竹

漢武帝塞決河斬淇固

之竹木以爲用寇恂爲河內伐竹淇川治矢百餘

萬以溢軍資今通望淇川無復此物惟王芣編草

不異毛注又言隩隈也鄭亦不以爲津源而張司

空專以爲水流入於淇非所究也然斯水卽詩所

謂源泉之水也故衛詩云泉源在左淇水在右衛

女思歸指以爲喻淇水左右蓋舉水所入爲左右也酈氏引博物志又言張司空是指張華博物志言今博物志無此語後漢書郡國志劉昭注引博物記曰有輿水流入淇水有綠竹草渙又作輿攷唐蒙著博物記輿水入淇蓋唐記語張華作志以地理爲首亦因蒙書則二書並有此說唐記久佚昭梁人及見之張志今行本亦多殘缺故不見也茂先淹博必有所考陸璣疏亦云淇渙二水以毛云渙隈爲誤故酈氏以爲未究而復指源泉以實

之也正義引釋草云藜王芻舍人云藜一名王芻  
某氏曰藜鹿藿也又曰竹篇蕭李巡曰一物二名  
郭璞曰似小藜赤莖節好生道傍可食此作竹篇  
竹字異音同釋文引韓詩竹作薄音徒沃反薄篇  
筑也石經同臧氏經義雜記此所指石經亦漢熹  
平石刻也石經爲魯詩然則韓魯同作薄案毛詩  
藜作綠卽所謂終朝采綠禮記大學篇引此作藜  
薄作竹毛傳古文而訓篇竹亦用韓故也自陸璣  
疏以綠竹爲一草晉宋人遂有以竹爲說者臧凱

之竹譜淇園衛地殷紂竹箒園也見班彪志又曰  
簪以箒徒概節而短江漢之間謂之竹箴根深耐  
寒茂彼淇苑厥後直謂綠色之竹無知所謂王芻  
與箒筑者已

有匪君子大學作有斐荀子大略篇引詩如切如磋  
如琢如磨謂學問也與大學合

韓詩異字異義淇與章爲多有匪作有邇美貌也側  
兮亦云美貌咺兮作宜宜顯也並見釋文呂氏春  
秋上農篇高誘注弁鹿皮冠引詩冠弁如星誘習



韓詩此亦韓本異字文選張平子西京賦注引韓詩綠竹如簣簣積也薛君曰綠萋盛加積也太平御覽卷七百六十四引韓詩曰如磨如錯韓與毛詩雖異不應舛乖如此似有誤字

韻上聲二十六產欄攔武貌爾雅瑟兮攔兮或作攔蓋爾雅別本有作攔兮者案攔攔亦古今字說文解字愜寬嫺心腹貌引詩赫兮愜兮與毛詩作恒亦異

說文解字璚石之次王者引詩充耳璚瑩膾骨擿之

可會髮者引詩鬢弁如星皆與毛詩異

倚重較兮毛傳卿士之車戴氏考證按較在騎上車  
之兩旁可凭者以其間寬廣言君子之寬仁自得  
左右兩較望之而重故曰重較承上寬兮綽兮據  
左右言明矣此不獨卿士之車爲然翰案周官考  
工氏與入以其隧之半爲之較崇又云參分式圍  
去一以爲較圍參分較圍去一以爲軹圍鄭注較  
兩轆上出式者賈疏較謂車輿兩相今人謂之平  
隔也劉熙釋名其較車卿所乘也亦同毛說非禮

制

漢書敘傳考盤于代用詩語槃作盤顏師古注引詩  
考盤在澗釋文在澗韓詩作干云堯圻之處也文  
選左太冲吳都賦劉涓子注引韓詩考盤在干地  
下而黃曰干與釋文所引異而槃正作盤又班孟  
堅西都賦珊瑚碧樹周阿而生李善注引韓詩周  
景曰阿然此阿庭之曲似是考盤在阿注釋文過  
韓詩作偲美貌漢顧長薛君碑引詩永矢不愆與  
今詩弗諼異亦本三家

列女傳傳母者齊女之傳母也女爲衛莊公夫人號  
曰莊姜善交好始往操行哀情有治容之行淫泆  
之心傳母見其婦道不正諭之曰子之家世世尊  
榮當爲民法則子之質聰達於事當爲人表式儀  
貌壯麗不可不自修整衣錦綢裳飾在輿馬是不  
貴德也乃作詩曰碩人其頤衣錦綢衣齊侯之子  
衛侯之妻東宮之妹邢侯之姨譚公維私砥礪女  
子之高節以爲人君之子弟國君之夫人尤不可  
有邪僻之行焉女遂感而自脩君子善傳母之防

未然也說碩人詩與毛鄭異然出前漢經師之傳  
受細繹詩詞實相符合又可悟素以爲絢兮一語  
確爲此詩佚句莊姜聞箴規而自脩亦賢媛也與  
毛詩亦可通矣

裴衣釋文引說文作𦃟案說文𦃟字下引詩作𦃟衣  
而裴字下引詩與毛同案𦃟爲𦃟屬或齊魯韓詩  
借作𦃟字故許氏兩引之以存異文如直以麻衣  
爲解恐非辭也

楊慎丹鉛錄詩膚如凝脂凝音佞唐詩日照凝紅香

白樂天詩落絮無風疑不飛又舞繁紅袖疑歌切  
翠眉愁又舞急紅腰凝歌遲翠黛低張子野詞蓮  
臺香燭殘痕凝今多作平聲失矣

領如蝤蛸釋文蝤似修反徐音曹齋本作蛸又作齊  
音同案徐仙民音曹作蝤字訓也其謂齋本作蝤  
是毛詩古本作齋今本或作蛸也蔡邕青衣賦用  
詩語正作領如蝤蛸

巧笑倩兮美目盼兮毛傳倩好口輔也盼白黑分也  
釋文倩兮韓詩云蒼白色盼兮韓詩云黑色也案

齒以瑳白爲巧益之以蒼安見其巧盼以分明爲  
美只狀其黑安見其美實不及毛之體物潤亮矣  
說文解字引詩美目盼兮集韻去聲三十一禰盼  
盼同普莧反

說于農郊鄭箋說當作禰禮春秋之禰讀皆宜同衣  
服曰禰今俗語然此言莊姜始來更正衣服于衛  
近郊釋文說本或作稅毛雖無傳以稅爲舍可知  
也稅駕于近郊更衣義已含該在內何煩改經字  
乎

大夫夙退釋文韓詩云退罷也案禮記云朝廷曰退韓之此訓與毛傳大夫退然後罷義合

楚詞九歎王逸章句引詩河水油油云油油流貌也又引詩波涕漣漣亦訓爲流貌案油油卽洋洋波涕卽泣涕三家異文也

施風濺濺鱗鱗發發釋文濺濺馬云大魚网目豁豁也韓詩云流貌發發馬云魚著网尾發發然韓詩作鱗案呂氏春秋論大篇上農篇高誘注並引詩施風濺濺鱗鱗發發與毛詩同高誘習韓詩而引



詩不作鱣鱣者韓本亦不同乎說文解字鱣鱣流  
也引詩施罔濊濊又鮫字引詩鱣鮪鮫鮫今毛詩  
作濊作發省

庶姜孽孽庶士有暵釋文孽孽韓詩作轆牛過反長  
貌揭韓詩作桀云健也案呂氏春秋過理篇高誘  
注引詩庶姜轆轆與釋文同

氓之蚩蚩釋文氓韓詩云美也案氓訓爲美與蚩蚩  
二字不貫

體無咎言釋文體韓詩作履履幸也禮記坊記引詩

亦作履無咎言鄭注履禮也案履幸釋詩詞雖順而古無明訓履禮雖有明訓而釋詩詞又不甚順未若毛詩體字指卜筮之體與金縢公曰體合

陸璣詩疏鳩食桑葚多則醉傷其性東晉發蒙記虎以狗爲酒雞以蜈蚣爲酒鳩以桑葚爲酒貓以薄荷爲酒蛇以茱萸爲酒謂食之卽醉也造語甚奇鄭志張逸問岷詩箋云酖非禮之樂小雅云和樂且耽何謂也答曰禮樂者五聲八音之謂也小雅亦言過禮之盛和樂過禮之言也燕樂嘉賓過厚賢

也不以禮耽者非禮之名故此禁女爲之也  
康成之論可謂詩權

儀禮士昏禮婦車亦如之有袞鄭注袞車裳幃周禮  
謂之容賈疏案巾車職童翟厭翟安車皆有容蓋  
鄭司農云容謂幃車山東謂之裳幃或謂之童容  
後鄭從之衛詩云漸車帷裳是山東名幃裳也案  
袞卽襜皆帷裳之通名

說文解字塤夫也引詩女也不爽士二其行士者夫  
也或作二與毛詩異

總角之宴釋文宴本或作𠂔者非正義經有作𠂔者  
因甫田總角𠂔兮而誤也定本作宴案甫田毛傳  
𠂔幼稚也如使毛本作𠂔則傳當在此此無傳知  
作𠂔之非矣

禮記表記子曰口惠而實不至忿菑及其身是故君  
子與其有諾責也寧有已怨國風曰言笑晏晏信  
誓旦旦不思其反反是不思亦已焉哉鄭注此皆  
相與爲昏禮而不終也正義引者證許而不與被  
人所怨之

說文解字怛憺也引詩信誓旦旦案旦旦古  
今字也

淇水漙漙釋文出漙漙云本亦作漙張參五經文字  
漙字書無此字見詩亦作攸案說文攸本從水省  
更加水旁作漙非今本復漙下加心浸失古意矣  
爾雅釋草葍葍蘭郭璞注葍葍蔓生斷之有白汁可  
啖邢昺疏案如此注則以葍葍一名蘭或傳寫誤  
葍衍字詩衛風云葍蘭之支集韻平聲上二十六  
桓葍葍說文葍蘭葍也引詩葍蘭之枝爾雅作葍

據集韻與郭注薶苑猶云薶卽苑也非衍字

說苑修文篇知天道者冠鉤知地道者履躡能治煩  
決亂者佩觸能射御者佩鞬能正三軍者摺笏衣  
必荷規而承矩負繩而准下故君子衣服中而容  
貌得接其服而象其德故望玉貌而行能有所定  
矣詩曰芄蘭之枝童子佩觸說能行者也訓辭與  
衍非後儒所及

垂帶悸兮釋文悸其季反韓詩作翠垂貌案毛作悸  
垂之似墜也韓作萃垂之相屬也各有意義

能不我甲毛傳甲狎也顏師古匡謬正俗毛公此釋  
蓋依爾雅本訓而徐仙遂音甲爲狎案甲雖音狎  
自有本音不當便讀爲狎猶數字訓厭葛覃篇云  
服之無斃豈得讀爲服之無厭乎案顏說辯矣而  
徐氏非無所本釋文甲韓詩作狎狎戸甲反毛訓  
甲爲狎已取韓經之義故徐直讀音狎也

曾不容刀釋文引說文作舩正義亦引說文作舩小  
船也今本說文脫舩字宜據陸孔二家補之

陳祥道禮書卷九十二引韓詩傳亡國之社以戒諸

侯人之戒在於桃父太平御覽卷三百三十九引  
樊文深七經義網格論步卒五兵戈及車戰首矛  
矢似皆說伯也執戈義

焉得諛草言樹之背傳諛草令人忘憂背北堂也正  
義諛訓爲忘非草名劉基覆瓿集萱草名也詩曰  
焉得諛草言樹之背諛與萱同音諛之義爲忘故  
萱草亦取其能忘憂北堂謂之背婦洗在北堂見  
於婚禮之文而萱草忘憂出於嵇叔夜之論後世  
相承以北堂謂母而有萱草之稱不知何所據若



唐人堂階萱草之詩乃謂母思其子有憂而無歡  
雖有忘憂之草亦如不見非以萱比母也又按醫  
書萱草一名宜男以萱喻母義或本此王明與魏  
太子書萱草忘憂臯蘇釋勞無以加也臯蘇草名  
能釋勞猶萱草能忘憂也文選陸士衡贈從兄車  
琦詩安得忘憂草言樹背與矜顏師古匡謬正俗  
據毛傳背北堂也以陸詩云云便謂身體前後種  
之爲誤案謝惠連西陵遇風獻康樂詩積憤成疾  
瘵無萱將如何亦用此詩李善注於陸詩引韓詩

曰焉得諼草言樹之背於謝詩亦引韓詩曰焉得  
萱草言樹之背願言思伯使我心癢薛君曰諼艸  
忘憂也萱與諼通蓋韓詩本作萱薛以諼釋之前  
引作諼後人依毛改之則韓詩字異於毛安知背  
不作身後解晉初三家詩皆在士衡博綜必有所  
據未可執一說以議之也且卽以北堂爲解謂之  
背者亦謂在後並襟前亦樹之與謝詩無萱並是  
加一層翻法詩之妙處正在此說文解字蕙令人  
忘憂艸引詩安得蕙草亦與毛詩異

戴溪續呂氏家塾讀詩記云有狐爲國人憫鰥夫戚  
雄經子雜鈔取之以爲表國人之仁心固勝於彰  
寡婦之淫志

詩序木瓜美齊桓公也衛國有狄人之敗出處於漕  
齊桓公救而封之遺之車馬器服焉衛人思之欲  
厚報之而作是詩也孔叢子孔子讀詩自二南至  
於小雅喟然歎曰吾於二南見周道之所成於柏  
舟見匹夫執志之不易於淇澳見學之可以爲君  
子於考槃見遯世之上而無悶於世於木瓜見苞

苴之禮行於緇衣見好賢之至嚴粲詩緝木瓜美  
齊桓功績感其卹鄰之仁春秋不弔齊桓專封秉  
以尊王之義蔡卞毛詩名物解桓公惠小而德微  
至於玉止矣若天保報上則無物比焉皆得言外  
義